



Hakim perlu bebas pengaruh, tekanan

Simbol bagi memastikan kredibiliti dan kewibawaan institusi kehakiman

Oleh **NORMAWATI ADNAN**
IPOH



Sultan Nazrin (tiga dari kanan) berangkat ke Majlis Pelancaran Jurnal Syariah Perak Al-Qanun Vol 1 2022 di Meru Raya pada Isnin.

Hakim adalah watak penting dalam sistem kehakiman dan perlu bebas daripada sebarang pengaruh mahupun tekanan, titah Sultan Perak, Sultan Nazrin Muizzuddin Shah.

Baginda bertitah, hakim juga menjadi simbol bagi memastikan kredibiliti dan kewibawaan institusi kehakiman.

"Sebarang bentuk keraguan perlu dihindarkan dan seorang hakim itu perlu bebas daripada pengaruh mahupun tekanan.

"Penghakiman telus menggambarkan sistem keadilan yang berwibawa dan tidak dibayangi dengan perasaan gusar serta gentar kepada seselapa," titah baginda sempena Majlis Pelancaran Jurnal Syariah Perak Al-Qanun Vol 1 2022 di Meru Raya di sini pada Isnin.

Baginda bertitah, dalam menentukan tahap kompetensi dan kecekapan hakim-hakim, penulisan alasan penghakiman menjadi medium penilaiannya.

Titah baginda lagi, alasan penghakiman berkualiti dapat menzahirkan kemahiran hakim

bagi menilai sesuatu isu dengan mengaplikasikan prinsip undang-undang dan hukum syarak tepat sehingga keadilan dapat diberikan kepada yang berhak.

"Penulisan alasan penghakiman yang bernas dan berkualiti akan menjadi panduan serta rujukan kepada pengamal undang-undang.

"Sandaran dan justifikasi kukuh terhadap sesuatu isu serta penilaian dan penggunaan hukum serta prinsip undang-undang yang tepat akan menjamin kredibiliti hakim dan mengangkat sistem keadilan itu sendiri," titah baginda.

Sultan Nazrin turut menzahirkan dukungannya sepenuhnya terhadap prinsip kehakiman syariah di negeri Perak.

Baginda bertitah, per-

ambahan hierarki Mahkamah Syariah di Perak dengan perwujudan Mahkamah Utama Syariah melalui peruntukan Seksyen 44 (3A) dalam Enakmen Pentadbiran Agama Islam (Perak) (Pindaan) 2018 memberi ruang rayuan setara antara kes yang bermula di Mahkamah Rendah Syariah dengan kes bermula di Mahkamah Tinggi Syariah.

"Peluang rayuan adalah hak dijamin oleh undang-undang, menjadi medan bagi hakim-hakim mahkamah lebih tinggi untuk menilai semula alasan penghakiman diputuskan oleh hakim-hakim di mahkamah lebih rendah sama ada berlaku kekhilafan atau sebaliknya.

"Sehubungan itu, demi kepentingan keadilan, beta selaku ketua agama Islam yang ber-

tanggungjawab ke atas urusan hai ehwal agama Islam mendukung sepenuhnya prinsip kebebasan kehakiman syariah di negeri ini," titah Sultan Nazrin.

Baginda menitahkan agar usaha menambah baik sistem kehakiman syariah dan memperkasakan Mahkamah Syariah hendaklah terus dirintis.

"Pegawal kehakiman perlu dari masa ke masa diberi latihan, kemahiran dan didedahkan dengan pengalaman agar pengetahuan serta kecekapan mereka mentafsir undang-undang dan hukum syarak dapat ditingkatkan.

"Menerbitkan Al-Qanun, Jurnal Syariah Perak adalah satu contoh usaha murni. Semoga ia dapat dijadikan bahan rujukan," titah baginda.